



**Auctarium. Sive Additiones Ad Viri Clarissimi Henr. Zoesii  
J.V.D. Universum Jus Canonicum**

**Geismar, Justus Moritz von  
Coloniæ Agrippinæ, 1691**

Ad tit. 5. de postulatione.

---

[urn:nbn:de:hbz:466:1-62259](#)

script. quod subreptionis suspicio tollatur, si rescriptum habet clausulam adjunctionem ex certa scientia, vel etiam: ex plenitudine potestatis, sive pro expressis habentes & supplentes omnes defectus item si apposita sit clausula: si altere jus non sit quasitum, quia videtur concessum sub conditione Cap. quamvis eod. in 6. quod etiam non operatur clausula motus proprii, vel non obstante. Vid. Rebuff. loco citat.

## AD TITULUM IV.

*De Consuetudine.*

**P**lanè ad finem tituli adde: Huc etiam referri potest stylus, qui consideratur dupliciter, vel ut est facti, vel ut est juris, si ut est facti consideretur, accipitur pro modo & formula procedendi in judicio, si vero accipiatur prout est juris, tunc sumitur pro jure ex modo procedendi nato, si jus non sit contrarium, differt tamen stylus à consuetudine, quod consuetudo versetur circa ipsam cause decisionem, stylus non. Item ritus, si ut est facti, sumatur pro observantia circa solennitatem actus, si prout est juris accipiatur, pro jure inde nato sumitur.

## AD TIT. V.

*De Postulatione.*

**A**d Num. 6. ad finem adde: Obst. et dictis numerus 43. tituli sequentis, in quo dicitur, quod quidem conveniens sit ut eligatur de gremio, non sit tamen necessarium. Respondeo quod non obster, quia num. 43. supponit tamen esse professum.

*Ad Num. 8. in fin. adde: Sic casus ponit Glos. h. t. in 6. in verbo probabilitur. primò si in beneficiis cum cura dubitetur, an assumendus attigerit Annum 25. an non, secundò an eligendus in Episcopum compleverit 30. Annum. C. cùm in cunctis 7. de elect. tertio, an assumendus in Prælatum expressè sit professus. Cap. nullus 28. de elect. in 6. modò istud dubium consistat in facto & non in jure, ut in his casibus similis postulatio incerta admittatur.*

## AD TIT. VI.

*De Electione.*

**A**d Num. 1. in fin. adde: Electio sumitur dupliciter, generaliter, & specialiter, si generaliter sumatur, comprehendit & postulationem & nominationem, præsentationem & collationem, quia in his omnibus persona idonea eligi debet. Si vero specialiter sumatur: tum est supra definita, C. 32. & 44. h. tit.

*Ad Num. 48. ad finem: Ratio resolutionis, quia impedit per metu, per vim & mendacium, est modus impediendi justitiae contrarius, ergo non nisi per restitutionem resarciri potest. de Arauxo de stat. Civil. disput. 13. n. 3. Sed Quæstio: an teneatur ad restitutionem, qui impedit per modum charitati contrarium, ex odio aut labore vindictæ, siue alio injurioso opere. Respondet Num. 9. negativè, ratio, quia non contrariatur justitiae, sed soli charitati, & sic primum lredit justitiam commutativam, alterum distributivam.*

*Ad Num. 85. Consecratio Episcopi*